

三



光緒上章困敦歲

三朝名醫方論

上海千頃堂書局印行

內經拾遺方論

宋

駱龍吉著

宣明方論

金

劉河間著

名醫方論

明

柯韻伯著

宋朝駱龍吉先生著述

內經拾遺方論

淮陰劉肖參
崇邑朱明羽
兩先生全訂

標商局書堂項干



內經拾遺方論者宋駱先生龍吉之遺書也昔者駱先生學古之道深究於天人陰陽五事之理洞見五臟癥結肉白骨而生死人功補造化名于當時所著拾遺書六十二條皆可傳習其功非淺鮮矣厥後明之肖齋劉公與明羽朱公好學深思心知其搜集內經殫心參究增續病症治方共八十二條則二公之繼志于駱先生者心亦良苦而林公宗漢其私淑弟子也學有淵源不忘所自為之親校其書述而梓焉夫古之慎斯術也醫不三世不服其藥蓋謂其有所受之古先哲人而非費人以試方者故服其藥而不疑林公之述拾遺書將以生人也惟其志于生人是故不秘其術而示天下以廣之則林公之功亦將遠矣嘗閱漢書藝文志有黃帝內經扁鵲內經白氏內經又有外經旁篇諸書今獨黃帝內經存焉班固以為善醫者猶磁石取鐵以物相使而要其旨於血脈經絡陰陽表裏以起百病之本死生之分可謂篤論然又列經方諸家以為經方者本草木之寒溫量疾病之淺深假藥味之滋因氣感之宜以通閉解結反之于平則盡之矣夫知方而不知經則失其理知經而不知方則失其宜經譬則碁盤黑白子也方則人之相碁者也善碁者先後用子勝而不敗則知方也古方用意不同精微寄焉非知經者不能究其理宜余聞拾遺方論眼明心慧發其精微其論俞跗倉公之遺意歟因謂林公是書出所活萬億不足計矣梓而廣之可也

6

200